

**Naaja H. Nathanielsen
Attaviitsoq**

**UPA 2016/99
10. maj 2016**

Nunatsinni aatsitassat uran-imik akullit aamma qingornernik ulorianartunik akullit allat piiarneqalissagaluarpata aatsitassat sinnikuinik mingunnaqisunik nunatsinni eqqaaveqartinneqarsinnaanerisa inerteqqutaalersinnissaat siunertaralugu Naalakkersuisut suliniuteqaqqullugit peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluq B. Egede, Inuit Ataqatigiit)

Tailingsit aatsitassarsiornermut ilaapput, eqqakkanillu toqqorsiviit tamakkiisumik isumannaallisarneqarsinnaanngisaannarput. Aatsitassarsiornermi eqqakkanik katersuviit kuuttoortarput, qingornernik ulorianartunik akoqarunik akoqanngikkaluarunilluunniit. Taamaattumik pingaaruteqartupilussuuvoq sakkortuumik aatsitassarsiornerup iluani piumasqaateqarneq avatangiisinullu illersuiniarnermut sukannersunik piumasqaateqarneq. Pivusorsiorituunngilaq uranisiortoqalissagaluarpat paaaffimmiit sinnikunik umiarsuakkut nassiussuinissaq. Nunanummi allanut aamma eqqagassaatsinnik isumaginnequsinissaq kissaatiginngilara. Taamaattumik siunnersuut taamatut isikkoqartillugu tapersorsinnaanngilara.

Illua'tungaatigulli aamma siunnersuut akerlilerlugu taasianiingilanga iluunngarlunga qingornernik ulorianartulinnik aatsitassarsiornermut akerliusuugama. Isumaqaarpunga aaqqiissutissatuaq tassaasoq manna tikillugu ajunngitsumik ingerlasimasoq, tassalu qingornernik ulorianartulinnut aatsitassarsioqqusinnigilluinnarnerup atuutileqqinnissaa.

Siunnersuut ataatsimiititaliami suliarineqarnissaanut innersuuppara. Siunnersuutigaara ataatsimiititaliap nalilersoqqissagaa innutaasut akornanni amerlasuunik kissatigineqartoq, tassalu uranisiorneq pillugu taasisitsinissaq, taamaalilluta inuiaqatigiinni patajaassuseq eqqissisimanerlu sammisami pingaarutilimmi tamatsinnut attuisumi pilersissinnaagatsigu. Una siunnersuut qisuariarneruvoq naalakkersuinikkut amerlanerussuteqalaaginnarluni aalajangernermut, aalajangerneq nuna tamakkerlugu nalorninermik isumaqatigiinnginnermillu pilersitsisoq.